

左雲志初稿序

史繼獲麟為古今之朗鑑志承司馬乃薄海之
南車是志與史名異而實同也星野疆域遠近
分焉吏治民風厚薄悉焉田賦軍需多寡別焉
名宦鄉賢激勸寓焉稽往徵來括軼攷異志義
攸闕綦重矣哉今

聖天子撫有輿圖幅員之廣東盡扶桑南逾嶺表西

屆流沙北窮極塞龍沙萬里遙覲

天威兔水三城疊沾

聖化繼治維新旋使巖疆皆禮樂農官歲舉直教野
老亦冠裳時雍風動戶誦途歌生民以來未有
如今日之盛者也於是

一人端拱萬國咸寧爰命鼎臣纂修一統志徵實天
下郡邑適頻陽袁父師涖任左雲興行教化百
廢釐舉簿書之暇正有事乎邑乘但因舊屬衛
治邑無成書方厘清慮會憲檄下左徵士索志
乃集邑之紳士採訪蒐羅其奈邊隅秉筆乏人
父師不以余不肖過相推許余數謝不敏又以

為憲令攸關不可無人以職其事勉諭深至既不獲辭夫是以倣體制於他志資采輯於同人凡天文之燦著地里之分畫風俗之轉移官府之建置賦役之重輕政治之休明與夫忠孝之正氣節義之大端以至選舉薦拔人才藝文畧次八卷分集兩編一事一物有關治化者無不詳載古蹟古風足善世教者豈敢或遺無如世遠年湮有名存而實亡者有先因而後革者有古興而今廢者總由於兵燹之後文獻既無足徵兼之鹵莽

之材見聞猶為未廣其間特著特書將以傳信
亦有斷文斷簡寧使闕疑雖千年草昧畧觀於
寸眸百里山城既登於方幅第舛錯固多疎虞
不尠草創初成潤色有待蓬心臚列不免君子
之譏竭智敷陳勉副邑侯之意極知僭踰無所
逃罪幸際清時得逢盛典差堪自慰云是為序
雍正七年歲次己酉孟冬之月上浣邑明經進士李

翼聖序

左雲志稿前序

間嘗竊考載籍之流傳蓋不一也有作之者有
述之者作者創始於前述者增修於後於志乘
又何獨不然有通志郡志邑志類皆紀疆界風
土文物之勝以薈萃而成一代之掌故也志之
所闕不綦重歟如我左雲地界邊陲攬其形勝
東接飛狐南拱雁門西連兔水北通沙漠蓋關
外之要區也前代已無徵矣自有明以來始設
為鎮朔衛或為左衛雲川衛又或併為左雲衛
雖沿革異宜而疆土如故為大同羽翼伊時官

弁兵馬風屯雲集為通貢互市之備者亦甚嚴
也然而叛服不常兵戈時起詢之父老咸曰此
亦古戰場焉居今者能無憑弔而興感乎迨我
世祖章皇帝定鼎燕京混一區宇聲教所暨罔間朔
南至

聖祖仁皇帝初年偃武修文舉弁兵裁汰而更置之
仍為衛治及

世祖憲皇帝雍正三年改衛為縣隸朔平郡設長吏
置師儒以宣布

德化迄於今

上嘉慶八年己廕百六十餘載涵育既久薰陶更
深所云久道化成非歟居斯邑者士安於學農
安於野工商安於市冠蓋雍雍儼然腹裏是昔
為敵慄禦侮之地今且為聲名文物之邦求所
謂望敵臺謊糧堆者僅存遺址焉蓋天下之平
久矣幸際承平宜光文治使無志乘不且上幸
聖明而下掩風聲乎我前輩李君翼聖著有左雲志
稿披閱之下綱領具備固無以議為也而節目

之間未稱精詳又慮日久殘缺因不揣固陋而
增修之雖無耆碩可諮幸有遺編可續是以旁
搜遠引分門別類如星野如方輿如建置如職
官如賦役如武備如選舉如名宦如人物如藝
文分為十款又各以其類附註焉皆本之邑乘
採之郡志復參之以遠考近徵不敢少恃已見
貽無知妄作之咎亦聊述前人之遺意以備茲
邑之掌故耳余忝後學自念生平毫無寸補早
歲即欲綴緝奈百憂感心萬事勞形有志焉而

未逮也今老矣無所事事矣不惜劘目忧心依
類編次越六月而稿始就草敢問世乎姑藏笥
篋以俟同志君子就正而潤色焉斯得之矣因
贅數言弁之簡端序云乎哉

嘉慶八年歲次癸亥六月上浣邑舉人懋勳侯
凱未定草

左雲志稿後序

余家世非儒者以先人由武官厯茲地遂籍
焉延及余賦質樸魯不克振勵賴先祖父自

幼栽培忝列膠庠入學後即事戲游難稱肖子
後為邑侯張李二公極意作養遂矢志讀書
頗求上進奈家道中落舉箸者實繁因而謀食
情迫即棄舉子業而業賈焉當時知我者即罪
我不知我者且嗤我姑付之不言而自罪之幸
家有藏書此念不墮冗務之暇時一披讀歷年
三十餘歲始食廩餼得以明經鄉貢終其身亦
幸矣迄今市井風塵猶僕僕未能遽謝也老來
愁悶無計可消舉家之經史典籍而時攤之敢

云博覽之資乎聊為破愁之助耳而念及邑乘
此心又不無缺畧之感焉爰搜取通志及郡志
熟玩細究思欲輯之以為左邑光而才識學三
者又抱歉焉惟勉力做其規制法其體裁舉綱
領條目節次編輯上以敷

國家文治之盛下以慰生平遲暮之悲猶不惜
昏聩手自繕寫以成茲編知我罪我亦姑聽之
後之覽者不過曰此亦妄人馬已矣

嘉慶癸亥年暑月侯懋勳重序

題左雲志稿序

余自韶年身列士林即與懋翁先生同窗習舉
子業每課文賦詩輒為諸名公所許可數載切
磨良有益也及余久困省闈遂遊學成均先生
亦以家計艱窘混跡市廛雖天隔一方繾綣繫
之矣余後幸擢京科先生亦名列南宮旋里後
不時過從每有疑難諸蒙教益吐談所及有出
人意表者愧余為微名所牽南北奔馳迄無寧
宇不常聚首心甚歉然迨署篆安邑而歸促談

之際出所修邑志示余政焉披閱未暨不禁喟
然曰先生殆老益壯而學益進哉余雖寡陋嘗
聞修志更難於修史史記則錯綜成書志乘則
考徵難確不有三長豈優四難况左雲地處極
邊舊屬衛治既無文獻何以足徵所猶異者以
倥偬冗迫之身為兼綜條貫之事斯不又難乎
其難之耶茲取新舊兩稿相參見其於脱畧未
完者增而補之牽纏不經者刪而去之節目分
明字句蒼老於此而知其才之美學之博識之

精也依類歷閱遂歛詳究雖不敢謂純備無疵
亦可云畧見一斑矣余不敏又未嘗為序特以
幼相習長相知今且老而相憐也又豈敢自外
以相負乎因勉贅數言亦姑俟諸有特識者謹
序

嘉慶八年歲次癸亥七月邑壬子舉人硯愚弟
馬登雲拜題增修左雲志稿跋 邑令余卜頤

維

今上御極之三年晉省^歲遭大祲適值

爵撫部院曾公恭膺

簡命來撫是邦以旋乾轉坤之手拯水深火熱之災
下車後即露章呈

奏免逋賦發倉廩留漕糧開捐輸請

國帑設轉運梯航接於數省賑濟遍於晉疆幾

以天下全力為晉民紓其難而救其災越一載

浩劫初消瘡痍難起又復查荒地免錢糧散籽

種給牛具以為遂生利用之本而又殷殷然於

久安長治之計於是買儲穀備緩急也旌節孝
維風化也清訟獄平怨咨也嚴保甲弭盜賊也
修通志垂文獻也凡所以視民如傷而嘉惠晉
疆者左之民固同在生成之內也是時頤以迂
拙之才庖代左邑一切承令宣德日在
鈞陶鼓鑄之中凡二年於茲矣顧以左雲乃邊
衝用武之地自改衛為縣以來歷年二百餘歲
詢之士人昔非文獻之邦因無志乘之紀心甚
闕焉已卯秋蒙

爵憲以績修通志札飭下縣諭令蒐輯邑乘新
稿繕本以呈備採擇焉爰訪諸僚屬紳士以及
書吏僉云舊無專志惟附載於府志者其畧也
又復旁搜博訪於邑中之紳耆及鄉曲之父老
無不遍詢凡數月始於常生培謨家得侯凱先
生志稿三本乃嘉慶八年增輯者也翻譯再四
始悉侯君之稿乃因李君翼聖之稿而增訂者
也當李君訂稿之初在雍正初年即劉太守新
輯府志之日然後知府志之附載即李君之初

稿也既得是稿爰延請邑中文行交修之儒得
簡君炳章趙君弼祁君峻德尹君紹業若而人
設局於縣署詳加披訂細為編摩自嘉慶以迄
於今又遙遙八十餘載世代湮遙沿革亦異况
災稜後更張尤多若不一一詳加釐訂則昔是
今非情形迥別焉能信而有徵乎是以此次增
修如天文則參之府志如疆域則考諸輿圖如
賦役驛站之裁改則考諸近年之成案如武備
兵制之增損則索諸現存之營冊如選舉科名

則查諸學牘如忠義節孝則採諸鄉評他如建
置則其沿革之由來而溯其世代官政則辨其
今昔之異制而錄以姓名若夫藝文上自

三朝實訓大吏奏疏以及文告札諭稟詳無不具焉
其題詠碑記凡有關於左邑之事實而堪垂為
文獻光者均必考其成案輯其遺編而備錄之
非敢師心自用也亦惟事事求實遺者補而謬
者更以期仰副

爵撫部院周詔博訪垂文著典之至意至於體

例之分編輯之次採訪之博考訂之殷則皆邑
紳藺趙諸君之力也但以讀書咕嗶之才創為
條綜理貫之事亦甚難矣其中條理不無紕繆
文義間有差訛是則俟

爵撫部院暨

列憲大人訓諭而裁成之以免不純不備之憾
焉則所以栽培左民者誠不朽之恩澤也頤庖
代日久行及瓜期他日付之棗梨不能不有待
於來者

原輯志稿姓氏

自雍正三年起至嘉慶八年止

采輯

左

雲

縣

知

縣

袁大選

總纂

左

邑

歲

貢

生

李翼聖

編次

左

雲

縣

舉

人

侯凱

較正

邑

學

增

廣

生

鄭中選

十一

參訂

邑 學 增 廣 生 鄭 壻

邑 附 學 生 員 趙 化 醇

邑 附 學 生 員 劉 立

邑 附 學 生 員 李 興 洙

邑 附 學 生 員 張 新 德

邑 附 學 生 員 侯 三

邑 附 學 生 員 侯 錫 三

增輯志稿姓氏

總理采輯

署左雲縣知縣余卜頤

參閱

署理儒學訓導王丕承

現任左雲典史姚粵布

總纂

左雲縣恩貢生蘭炳章

分纂

左雲縣廩膳生祁峻德

左雲縣廩膳生趙弼

編次

左雲縣廩貢生尹紹業

較對

左雲縣學份生蘭增芳

參訂

府學廩貢生張致和

左雲縣廩膳生周大士

府學增廣生員常培謨

府學附學生員馮俊

左雲志稿凡例

邑志總例

志之義有從乎繁者有從乎簡者故通志與郡
志不同郡志與邑志亦異通志則美不勝收郡
志則兼收並蓄至邑志而採輯為更難也修邑
志者僅以一方之事實成一代之掌故欲繼長
增高而苦於文獻無足徵如因陋就簡亦滅裂
而無所取義必極之旁搜遠取使繁簡適宜庶

覽者無蕭索之感也則幸矣

邑志增例

志之例有因從前之罣漏而為之補遺者有嫌曩時之錯誤而為之糾繆者左邑舊無志書自雍正三年朔平府劉公祖修郡志並將屬邑附於其中斯時採輯者為邑前輩李翼聖先生始有創稿此即左雲志稿之權輿也迨嘉慶八年邑人孝廉侯凱就原稿重為修輯其中人物諸例遺者實多賦役一門謬者更甚蓋因陋就簡

乃私家之紀述並未考於檔冊此左雲所以無志也茲承

爵撫部院指示章程如賦役則以縣卷為徵武備則以營冊為考科名選舉則以學案為據而忠孝節義之有需採擇者則訪諸鄉評溯其事實遺者盡補謬者悉糾以一方之事實集為一邑之成書使閱者信而有徵庶幾不同浪墨

綱目例

首圖考圖先於籍做古制也觀乎天文而星象

次之察乎地理而方輿又次之建置者制作之
原官政者臨民之要人物者芳徽之所存選舉
者人才之所起若夫以重民事則賦役詳也以
奉簡書則郵政重也以壯國威則武備著也以
存典籍則藝文備也凡為網者十條類為目者
七十有五而各以其目之條附於其網之內綱
舉目張有條所以不紊也

天文例

天道微而難測人事顯而可徵自昔善言天者

必驗於人事而後見上天之垂象其形為著其
理誠不誣也然必有精通其義者乃能確然於
主名而不亂昭然於分野而不淆歷然於度數
而不移井然於躔次而不失易曰觀乎天文以
察時變故必以天文為之綱而附以星野占候
者備觀察也次以節氣節令者順時行也次以
詳異終以風俗者著鑒戒使從宜也各從其類
而有條不紊庶無乖於縣志之體制耳

地理例

粵自黃帝畫野而都邑以分大禹治水而山川
以奠雖古今之稱謂攸殊而宇宙之江山不改
故志沿革以溯今昔之異同正疆域以表幅員
之遼濶紀山川以形帶礪之雄壯至於古蹟景
致可以潤色乎地圖鄉村土產可以廣資夫地
利凡一邑之所有必備載而弗遺

建置例

疆域既分建置斯舉建置者創制之別名也守
備在乎城池衛護在乎邊堡教化本於學校作

育資諸典籍釋菜則祭器宜先儲材則士額宜
廣學田所以養士公署所以臨民壇廟者崇德
報功之典坊表者興賢舉孝之規而樓閣以培
風水橋梁以通往來市集以招商賈墓塚以表
忠烈皆在建置之中例得以類附之

官政例

古者因事設官量能從政向無文武之分故入
則周公召公以師保而兼公侯出則方叔申伯
由卿士而為將帥自科目設而文武遂判兩途

馬左雲職官前代無考爰以雍正三年前為原
設雍正三年後為改設其官斯土者昔為鎮道
衛守今為令尉師儒各從其制存古籍也官無
大小皆得書名備考稽也而又列政績以誌遺
愛不忘勞也載祀典以昭誠敬重大典也若夫
政事之條分縷析備載於後是儆于有位無曠
厥官之義也

人物例

人物之挺生卓立者實繁有徒豈能遍觀而盡

誌之要其大概不出名宦鄉賢兩途兩途之表
見於忠烈孝義者代不乏人在當年固赫赫照
人耳目至今日猶懍懍敬若神明蓋忠烈根諸
天性孝義貫乎倫常非特鬚眉男子生逢其時
適當其事不可僥倖而苟免畏懦以圖存即婦
人女子守孀幃矢柏節奉侍翁姑以婦道而兼
子職訓教兒女以慈母而代嚴君尤屬人事之
難可作閨門之範允宜採錄以勵貞操也

選舉例

自古選賢舉能以備國家之用三代而下其風
渺矣漢興選舉之典盛行對策賢良得人稱盛
唐宋元明亦間有之然而地界邊陲人多質樸
文章所著悃幅無華故甲科恒寥寥也
逮至我

朝文教覃敷武科並列掄才取士未嘗以資格
棄人故科目一途千古罕匹即吏監僑徒不無
芳徽可念而藝術之士封贈之典俱為選舉之
所當連類而及者因並紀之而罔敢或遺焉耳

賦役例

賦役之制夏曰貢殷曰助周曰徹三代以來固
可考而知也然在內地土田肥美賦役有上中
下之則其制一定而不容移易矣左雲地處極
邊穀粟收獲甚薄人民遷徙不常其地皆由邊
堡歸併有屯田牛犂贍軍汰軍賞功諸名色故
以田賦丁糧戶口列於前而其中有起運存留
之分別俸役祭費之支消田租以厚軍兵查荒
以恤黎庶稅務雖云無幾亦必按次而編庶觀

覽者得瞭然焉

郵政例

讀皇華之什而知行役之勞賦楊柳之詩而見
簡書之重此郵政亦守土之要典也况左邑古
號戰場烽燧接於四境地臨邊塞驛傳達於數
省乎故量地置郵則驛站分焉牧園有額則馬
匹載焉執事有人則夫役備焉歲修有項則工料
計焉然後終之以馬乾公費以綜其度支之數
則既廩稱事之中亦厲日省月試之義也

武備例

從來敷治必以文而戡亂則以武自古明良際會所以致治保邦以期有備而無患者惟武備為重馬左邑夙號巖疆歷代頻多爭戰我

國家承平日久有百年不用之武而無一日不備之兵故武備首在於兵制戰守有伍馬步有行兵制之紀律也而衝鋒敵愾非軍器無以當先士飽馬勝非俸餉無以勵衆至於簡車蒐乘馬匹是資設險守隘汛防以判而歷來之授任

武弁者官無大小皆有保障之勞焉例得紀之
以附於後

藝文例

文以載道尚書首二典故藝文以

諭旨冠首者尊王之義也次以奏疏者猶之乎三謨

也次以札付者猶之乎訓告也次申詳以達下

情次文告以垂令典至若碑記所以誌功箴銘

所以規過與夫題情詠景里巷之歌謠無非風

俗之流露也因備載之而為政之體要與民俗

之觀感皆寓乎其中焉

左雲縣志稿

弁首

序文

凡例

目錄

圖考

卷之一

天文志

星野

占候

節氣

節令

祥異

風俗

卷之二

地理志

沿革

疆域

山川

古蹟

景致

鄉村

土產

卷之三

建置志

城池

邊堡

學校

典籍

祭器

士額

學田

公署

坊表

壇廟

樓閣

橋梁

市集

墓塚

卷之四

官政志

官制

歷官

政績

祀典

政事

卷之五

人物志

名宦

鄉賢

忠烈

孝義

節孝

卷之六

選舉志

科目

藝術

卷之七

賦役志

田賦

俸役

營租

卷之八

武官

肥封

戶口

稅契

開除

吏監

起運

軍糧

查荒

僑徒

存留

營田

豁免

郵政志

驛站

馬匹

驛夫

廠夫

工料

馬乾

卷之九

武備志

兵制

軍器

俸餉

馬政

汛防

武職

卷之十

藝文志

縣

詔諭
文告

志

奏疏
碑記

圖

札副
箴銘

攷

申詳
題詠

左雲縣四境圖

石窟

京兒城

邊牆

雲岡新堡

馬助堡

破魯堡

拒門堡

佳山寺

石佛寺

成魚口堡

舊高山

新城山

雲岡舊堡

雲西堡

三里鋪

鵬窩寺


洞石


吳家窰


野鳳山

吳家窰鋪


四十里鋪







縣署圖



天文志

志曰熒惑守心宋景有君人之言而徙度歲德
在越吳國違上天之命以取殃左雖彈丸甯無
人事然人事動於下天道應於上灾祥之理固
昭昭不爽也志天文

星野

夫九州十二域或繫之南辰或繫之北斗或繫之

二十八宿輿圖雖廓莫不上應星宿以為列界
此分野所由著也以左雲考之舊屬大同今屬

朔平按禹貢冀州之域也分野屬昴畢雖冀北
之疆地分而星宿不分也史記亦曰昴畢屬冀
州今大同屬昴畢則左雲無疑矣

天文全圖周天三百六十五度四分度之一積一
百七十萬二千一百十三里每一度

百分四分之度之一即百分中二十五分

三河固子水鳥

赤道

度六度

度三十一度

度三十三度

度三十一度

度由沈

紫微垣

大梁西

度十七度

度十一度

度十四度

度十四度

度十四度

度十九度

危十五度

衛并亥

七曜三垣紫微垣內北極當天之中極南為太陽極北為太陰日月五星行太陰則無光行太陽則能照故為昏明寒暑之限極二十八宿為十二分野

晉天文志曰張衡云文曜麗乎天其動者有七日
月五星是也日者陽精之宗月者陰精之宗五
星五行之精衆_星布列體生於地精成於天列居
錯峙各有攸屬在野象物在朝象官在人象神

其以神差有五列焉是為三十五名一居中央
謂之北斗四布於方各七為二十八舍日月運
行歷示吉凶五緯纏次用告禍福中外之官常
明者百有二十四可名者三百二十為星二千
五百微星之數蓋萬一千五百二十庶物蠢蠢
咸得繫命不然何得總而理諸後武帝時太史
令陳卓總甘石巫咸三家所著星圖大凡二百
八十三官一千四百六十四星以為定紀今畧
其昭昭者以備天官云

按圖書編山西諸郡大同昂畢分野今設左雲
介大同朔平之間所分之野應從昂畢并三星
而冀之北土馬牧之所出天苑之象存焉胃得
馬牧之氣且趙之分野兼胃昂畢三星故悉列
圖於後以備參考

星分昴宿圖

占候附

歌

七星聚實不似阿西月東各一星月下五黃

天陰名陰下六烏芻藁營營南十六天苑形

河裏六星名卷舌舌中黑點天讒星礪名舌旁斜四

昂七星距西南星去極七十度 天阿一星去
極六十六度入胃宿十度 月一星去極七十
一度半入昴宿五度 天陰五星距西星去極
七十五度半八胃宿七度 天苑十六星距東
北星去極一百七度半八昴宿七度半 芻藁
六星距西行中星去極一百八度八婁宿十一
度 卷舌六星去極五十三度入昴宿初度
天讒一星去極六十一度半入昴宿半度 礪
石四星距南第二星去極六十五度入昴宿六度

占候

昴十一度下為日月中道天之耳目也主西方
主獄張衡云昴明則獄訟平又第七星為毛頭
跳躍則邊兵大起熒惑守其北燕趙兵起太白
守之邊兵動天阿一星在胃東月一星在昴東
主女人灾福天陰五星在畢柄西主從天子弋
獵之臣天苑十六星在昴畢南如環狀天子苑
圃養禽獸之所也芻藁六星在苑西以供苑養
也卷舌六星在昴北主口語以知讒佞張衡云主

樞機曲而靜則賢人用直而動則讒人得志天
 讒一星在卷舌中主醫巫礪石四星在五車北
 主磨礪鋒刃
 星分畢宿圖
 占候附
 歌




恰似瓜叉八星出附耳畢股一星光天街兩星

畢背旁天節畢下八烏幢畢上橫列六諸王王下四皂天

高星籠圓圓九州城畢口斜對五車車有三柱任縱橫車

中五個天潢精潢畔咸池三黑星天闕一星車脚邊
各顯九個

閭旗下直見九旄連旂下三十為天國春柳邊



畢八星距右股第一星去極七十五度 天街二
星距南星去極七十一度入昴宿十度 附耳一
星去極七十七度入畢宿三度 天節八星距北
星去極八十度半入畢三度 諸五六星距西星
去極七十度八畢宿三度 天高四星距東星去
極七十四度半入畢宿六度 五車五星三柱九
星距大星去極四十七度半入畢八度半天潢五
星距西北星去極五十八度入畢宿十一度 咸
池三星距南星去極五十一度入畢十一度半

天關一星去極七十一度半入觜宿初度參旗九
星距南第一星大星去極八十七度八畢六度
九旂九星距南星去極一百一十三度八畢十二
度 天園十三星去極一百二十四度八畢宿五
度

占候

畢十七度主邊兵弋獵其大星曰天高一曰邊將
明大則遠方來貢失色邊兵亂動搖邊兵起甘氏
曰畢主街巷陰雨天之雨師也張衡云畢為天馬


昂畢間二星曰天街主國界金火守之邊兵起附
耳一星在畢下主聽得失星盛主中國微有盜賊
邊堠警動移則讒佞行兵大起天節八星在畢南
主使臣之所持也諸王六星在五車南主宗藩天
高四星在參旗西北近畢此臺榭之高主遠望氣
象不見官失守五車五星三柱九星主天子五兵
西北曰天庫主秦東北曰天獄主燕趙東南曰天
倉主衛魯中央曰司空主楚西南曰卿主魏五星
有變各以所主占之又填星舍五車燕代大旱三

柱一曰三泉一曰休一曰旗五星明柱皆見則
倉廩實一曰天子得靈臺之禮則五車三柱均明
有常天潢五星在五車中主河梁津渡咸池三星
在天潢南魚圍也天關一星在五車南畢西北亦
曰天門主邊事主關閉參旗九星在參西五車之
間天旗也明而希則邊警不動流星入北地兵起
玉井西南九星曰九旂天子之旗也主邊軍進退
金火守之兵亂起天苑之南十三星曰天園植菓
菜所也

星分井宿圖

占候附

歌



八星分列河中靜一星名鉞井邊安兩河各三南北正天樽三星井
 上頭樽上橫列五諸侯侯上北河西積水欲覓積薪東畔是鉞下
 四星名水府水位東畔四星序四瀆橫列南河裏南河下
 頭是軍市軍市圍圓十二星中有一野雞精孫子丈
 人市下列各立兩星從東說關丘兩星南河東丘下狼
 光蓬茸左邊九個弧矢弓矢擬射頑狼胸有個
 老人南極中春秋出來壽無窮

井八星距西扇北第一星去極六十九度 鉞一
星去極六十九度少八參八度半 非河三星距
東大星去極六十一度半入井宿二十度南河三
星距東大星去極八十三度半入井宿二十一度
天罇三星距西星去極六十八度入井宿十六度
五諸侯五星距西星去極五十六度半入井宿六
度半 積水一星去極五十四度半入井宿十八
度 積薪一星去極六十五度半入井宿二十七
度 水府四星距西星去極七十六度半入井宿

七度半水位四星距西星去極七十三度半入井
宿十八度四瀆四星距西南星去極八十六度入
井宿二度軍市十三星距西北星去極一百七
度半入井宿初度野雞一星去極一百九度半
入井宿四度半丈人二星距西星去極一百二
十八度入參宿四度子二星距西星去極一百
二十八度入參宿九度孫二星距西星去極一百
二十五度入井宿六度關丘二星距大星去極
九十一度少入井宿十五度狼一星去極一百

七度半入井宿十度弧矢九星去極一百四十三度入井宿三度

占候

井三十四度甘氏曰主泉水日月五星貫之為中道石氏謂之東井主諸侯帝戚三公之位故明大則封侯建國張衡云天之南門也黃道所經為天之亭候法令所取平也王者用法平則井明而瑞列鉞一星附井前南北兩河各三星分夾東井主闕梁三光之常道也張衡云河北星不見則北道



不通南亦如之天鑄三星在五諸侯南主給貧
餒明則豐諸侯五星在東井東北主治陰陽察
得失積水一星在北河北不見為災積薪在積
水東以備庖厨明則人主康水府四星在東井
西南而東則為水位四星俱主水衡四瀆四星
在東井南江淮河濟之精也軍市^{十星}三星在參東南
天軍貨易之市野鷄一星主變怪在軍市中軍
市西南二星曰丈人丈人東二星曰子又東二
星曰孫闕丘二星在南河東主象魏狼一星在

軍市東南為野將變色動搖賊盜作弧矢九星
常向於狼引滿則兵大起老人一星在弧南一
曰南極常以秋分之旦見於丙明大則人主壽
昌天下安寧

星分胃宿圖 占候附

歌

三星鼎足河之次天廩胃下斜四星天
囷十三如乙形河中人星名大陵陵非
九佗天船名陵中積尸一佗星積水船
中一黑星



胃三星距西南星去極六十七度半 天廩四星去極八十五度半入胃宿十二度 天囷十三星距大星去極九十一度半入胃宿六度半 大陵八星距大星去極五十四度入胃宿七度 天船九星距大星去極五十四度半入胃宿十度 積尸一星去極五十五度入胃宿四度 積水一星去極五十三度入昴宿初度

占候

胃十五度天之厨藏天穀之倉也又名大梁明

則四時和平天下晏然倉廩實不明則上下失
位星小則少穀輸運又云動則有輸運事就聚
則穀貴人流暗則凶荒五星犯日月食孛侵並
有災五廩四星在昴南一曰天膺張衡云主積
蓄黍稷以供享祀春秋所謂御廩也天囷十三
星在胃南倉廩之屬主給御糧也明而黃則歲
豐微變常色則不吉金火守之即災起大陵八
星在胃北主陵墓明而大或中星多則天下多
死喪或兵起天船九星在大陵之北居河中一

曰舟星主渡亦主水旱不在河中津河不通水
泛溢中四星欲其均明即天下安不則兵若喪
移徙亦然客彗出入為大水有兵大陵中一星
曰積尸明則死人如山張衡云一名積廩積尸
明而大或有旁星多則天下多死喪或兵起若
不見而暗皆吉火守則天下多哭泣天船中一
星曰積水主候水災

氣候

左雲近邊天氣極寒江南桃李花卸此地草木

方萌七月隕霜八月降雪地多砂礫夏有堅水
昔人云雨過三日飛白雪信然

春

立春節後必有大風天尚寒冷春分節後東風
解凍農事方動清明節前草木甲拆甫種麥豆
穀雨節後徧種菽麥胡麻

夏

立夏節後時方和暖堅冰始消小滿節後即種
蕎麥夏至以後多雷雨水雹傷禾稼雖三伏盛

暑少穿葛紗
早晨夜暮不離綿衣

秋

立秋節後天已深冷
處暑節後夏田方熟
白露節前三後四
霜即降草木漸凋
菴盡收野無田禾
寒露節百草皆枯
人皆衣裘霜節後
天雨雪土工不興

冬

立冬節後地已實
凍水結不解
冬至節後凍厚
數尺積雪不消
大寒小寒嚴風
冷雪墮指裂膚

節序

立春 前一日為迎春官司 鑿 塑 芒神春牛備
春花彩仗 邑侯率僚屬農夫 執耕具陳鼓吹扮
雜劇迎春於南門外之東郊 次日春至眾官集
縣衙行禮擊鼓鞭牛

元旦 夙興燒旺火放爆竹陳供品祀天地神祇
祖先畢家眾以次跪拜稱觴又鄉黨親友往來
賀歲其後燕飲相招彌月不止

初五日 剪紙為女人形黎明送街頭謂之送窮

初八日 各家燃燈七盞於天地神前燒香焚表
謂之八仙

初十日 各家於米缸甕下燒香燃燈謂之照
鼠耗

十五日 上元佳節架鰲山焚火樹張彩燈放花
炮宴飲為樂謂之鬧元宵

十六日 焚疏楮於門外謂之送亡

二十日 俗謂小天倉是夜各戶倉廩燃燈日照
虛耗

二十五日 謂之老天倉各家燃燈如前

二月初二日 清晨有汲井花水者俗云引錢龍

清明 家家携酒脯拜奠先塋

三月初三日 享祀真武是日多釀醋

四月初八日 僧家於極樂寺作佛會日供水陸

五月初五日 天中節插艾食角黍飲頡黃酒隆

師送節

十三日 享祀關帝是碧霞宮設立花兒會凡小
兒多病者帶草枷叩拜聖母殿前

二十八日 俗傳為城隍誕辰鄉人隨會者置牲醴菓品演戲建醮

六月朔日 享祀龍神

初六日 曝衣南門外龍神廟演戲多有婦女踏

青於此

十八日 享祀蜡神

二十四日 俗傳為關辰邑人建齋設醮或演戲

酬神

七夕 鼎榆宮道家作黃籙大會建齋設醮是日

婦女亦有設香案乞巧者

中元 家家携酒脯拜祭先塋如清明亦然又以
麥麩蒸羊形孩提狀曰麩羊麩人互餽咸卑幼
中秋 是日以麥麩爐火餅晚上家家剖瓜設菓
獻太陰

重陽 九為陽數日月并應故曰重陽菊酒花糕
作登高之會亦令節也隆師送節如端陽然
十月朔日 鄉人皆剪紙為衣晚間焚大門之外
日送寒衣

冬至 謂之亞歲 隆師送節 紳士鄉人祀獻祖先
里黨親友交相登拜如元旦然
民歲臘 俗於前夜著五色豆和米雜以棗為粥
黎明食之 是日禮道廟中間有糞粥食貧者謂
之臘八節

二十三日 歲時記臘月二十四日為交年節俗
以二十三日夜設香楮飴糖又以黑豆寸草為
秣馬具祭告竈前曰送竈君上天
除夕 三百六句之盡七十二候之窮家家貼門

神對聯換桃符供祖先長幼以次稱壽闔家聚
飲守歲兒童爭放紙炮多有於此日娶嫁者謂
之亂續各家焚紙於門外謂之接亡

祥異

漢宣帝黃龍元年客星見昴分居卷舌東五尺許
青色長三寸元帝永光元年戊寅十二月白氣
出西南徙至天經參下貫天廁
順帝陽嘉元年閏十月戊子客星氣白廣二尺
長五寸起天苑西南

靈帝光和元年彗星出亢北入天市經歷十餘
宿八十餘日乃潛於天苑中

晉元康五年九月大風明年氐羗叛

東晉安帝義熙十四年流星出昴大如拳歷天

津分為三須臾有聲

恭帝元熙元年二月地震

北魏節閔帝普泰二年十一月大流星出昴非

東南流歷畢貫參光明燭地有聲如雷

唐昭宗天祐元年夜太白見昴色赤齧如火有

三角如花而亂動後梁太祖乾化元年十一月
甲辰流星出畢口大數升曳光三文餘有聲如雷
宋元祐七年十月庚戌地震

元世祖至元二十一年八月赤氣蔽天

成宗大德七年秋饑十年二月暴風大雪壤

民廬舍人畜

凍死

仁宗皇慶二年八月雨雹大饑七年饑

英宗至治元年春麒麟生夏旱

文宗天曆二年春饑 至順元年夏旱

順帝至正二年春饑 十一年冬十一月太白

經天熒惑犯歲星于昴 十三年冬大疫

十五年春饑 十八年二月辛丑夜黑氣蔽西

方有聲如雷少頃東北方火雲交射中天遍地

俱有火空中聞兵戈之聲

明成化十二年七月黑青見其物黑小金睛修

尾體狀類犬行疾如風多自牖入遇者昏迷被

害夜張燈持刀防之 二十一年正月隕星有

聲是歲大有年

正德二年黑箐見

嘉靖二十六年十一月狂風大作遮蔽天日白
晝張燈人民大驚次年大荒 二十九年三月
二十二日辰刻黑風自西南來晝晦如夜人物
咫尺不辨稍開霽則紅光滿室開而復合至酉
始復如舊房屋多摧人物亦傷此後一次前嘉
靖辛丑年間視此尤甚凡三月夜 三十一年
大荒人民餓死太半三十八年自春至夏不雨

好蚘生得雨乃死自是連雨百日有餘垣屋俱壞八月雨雹平地三尺禾稼盡傷

四十二年兵備胡公麟試諸生適有慶雲見西南經時不散四十五年七月天雨蠅而四翅徧於城市人皆不識

隆慶二年大旱九年瘟疫

萬曆四十六年九月三十日午時雲西地震自西北起向東南去房屋動搖四十七年二月二十日巳時風沙忽作日色漸

昏少頃黃霾從西南方起遂四塞蔽日晦冥如
暮風停霾結密凝轉紅微落細雨着衣皆泥歷
未涉申至酉方開及鼓後風勢轉迅疾吼怒號
亦從來所罕見者

崇禎七年瘟疫相繼禾稼蹂躪十年瘟疫
十四年瘟疫大作死者絕跡米價每斗銀一兩
五錢死者十之八九十七年闖逆兵過人民
逃竄

國朝順治四年七月飛蝗蔽日食盡秋禾

順治六年姜瓖叛逆城遭屠戮

順治八年饑疫

康熙四年大饑兵備道曹公溶、請賑百姓多
賴全活

康熙十二年九月初九日地震有聲

康熙十八年三月初一日狂風大作白日張燈
康熙十九年大饑人民多逃亡免糧賑濟

康熙二十年豐登

康熙二十二年十月初五日申時地震屋宇多

傾塌

康熙二十八年大饑

康熙三十年木星見西南其年禾出雙穗一壳
二粒大有年

康熙五十七年七月二十二日未刻旋風自東
南來將城南門東巷居民於姓者括起數十丈
擲地骸骨如綿風向西北而去此時龍尾正現
形西北

雍正三年二月初二日庚午日月拱璧五星聯珠

乾隆二十四年歲大饑 五十三年歲又饑

嘉慶二十三年大有年

道光十二年大旱

道光十六年大旱

咸豐八年春雨雪四十餘日秋有年

咸豐十一年大風拔樹城內火神廟旂杆折為

兩段

同治元年八月初一日日月合璧五星聯珠
同治十年七月二十八日大雨晝夜不止至八

月初十後始晴城堡有坍塌者民房皆倒
同治十二年五月初八日城內太平樓無故自
崩黃霧蔽天居民震動

同治十二年崇星見於西北旬日方沒

光緒三年秋大旱人民相食道路饑殍盈途

光緒四年春又旱五月蚘蚘生至六月大雨霖
秋歲乃登九月重陽日雪深一尺有餘占者以
為豐年之兆

光緒五年春閏三月二十一日大風飛沙白晝

如夜城內居民張燈自辰至未風轉天飛黃沙
夏有瘟疫秋有年

光緒六年雨水日雪驚蟄節又雪皆深二寸

風俗

士左雲地處邊隅歷代以來又多邊患民俗尚
勇向來帶甲控弦之士以皆射獵為能改縣後
二百年於茲矣薰陶

聖化弦誦煥然一新但富者以士而兼務為農商貧
者以教讀為業然俗尚待師樸儉既不隆以東

脩又不供其飲饌以故終年所得僅資用度無
論鄉城俗悉如之然好學之士則閉戶潛修終
年不入公門以此科名漸起日上蒸蒸有文行
交修之風他如持符弄墨武斷鄉曲包糧攬車
控詞作狀者亦頗罕有然即或問有其所賴
官斯土者有勸戒而化導之也

農左邑地瘠民貧歲乃一收農家終歲勤動即
大有之年一秋之收不敵南路之半季故農隙
以後有往煤窑服苦者亦有以養車營生者小

運貨

戶則以驢牛駕車然而國課早完差徭早辦
猶見勤力事上之意焉其悍勇好鬪者往往以
酒食語言細故興訟是在司牧者之有以勸化
耳至於有水地者謂之園種菜興蔴取利甚溥
惟近城有之近奉文禁種鬻粟而百姓亦無敢
有種私煙者矣

工左邑之民牽車服賈於口外為兩大宗此外
石木泥鐵銅錫各工均皆列肆以居然工價甚
貴小戶不敢輕易有動工之舉光緒三年大祲

道瑾相望而工匠尤苦於無業斃者甚多廣其
最貴者惟成衣工尤甚蓋左雲人文日甚漸就
奢華如婦女原愛鮮衣艷服無論貧富均思以
整飾為耀故三年稔歲而裁縫少餓死者

商 本邑缸油布當粟店多係代州崞縣寄民
而土著之民合夥貿易於邑城者甚少大半皆
徃歸化城開設生理或尋人之舖以貿易徃徃
二三年不歸以致徵糧之際或偕室以行或家
無男丁有司不能過而問焉且有以貿易遷居大

半與蒙古人通交結其利甚厚故樂於去故鄉而適他邑也

冠 古禮不行久矣然鄉人見官長有以摘帽為敬者且地氣極寒無論男孩女嬰立秋則以皮風帽圍其首春暮夏初猶不去城內十歲以上者皆冠纓帽是成人之服已加于童年然遇喪則疊白布為冠士人則以緇布為冠猶有忠厚之意焉市人則以青布帽而沿白邊皆素冠也婚 自問名以及訂期凡六禮往往厚索財禮

以重聘為貴紳士家則選擇門戶厚其粧奩而
不講厚聘鄉曲之間每逢節序婦人勤於歸甯
數月不歸夫家往往以此惹道是非致有生性
愚魯相嫌涉訟此則鄉曲之薄俗也而讀書守
禮之家以及市井貿易戶則不然

喪 朱子云喪葬稱家之有無喪而厚歛家禮
所不取也左邑治喪以厚歛為尚金銀綢緞飾
首附身若不儉其親之意間有以此被劫
者則厚之正所以薄之也葬法穿地為道

祭

穴開旁孔多有不封不樹建二三尺碑上
寫山向中書明堂二字謂之明堂碑其有
男女未成丁而死者葬則必配鬼妻以示
不孤之意至於貧不能殮親友來弔者羣
贈以賻則恤鄰哀死之義猶有存者
紳士請賓相禮鼓吹筵席家奠三獻必敬
必誠俗民則延僧建醮放施自三日以至
百日逢七必薦而無知子女或有以笙管
為鬧熱者至於清明有追薦之情中元有

掃墓之祭十月朔有寒衣之送除夕有接
亡之文則追遠歸厚之風也

地里志

志曰次及地里述職方也故考沿革以徵始正疆域以建治表山川以紀勝按形勝以知要而古蹟景致以類繫焉左雲變遷屢易曠土雖多而境疆如故流峙依然有足稽者臚列如左

地理

沿革

左雲古白羊城禹貢冀州之域也以冀廣而分幽并夏商屬冀成周屬幽春秋而後北翟襟居

一

戰國置并州迨秦置雲中郡漢因之霍去病出塞登冥顏山望瀚海元朔四年衛青出雁門關渡免毛河殺掠退敵置豐州而雲右砥定元魏遷都又建代朔二州宇文周尋廢隋復置雲州永徽元年突厥寇并州薛萬徹免胄示虜旋遁去置大同路節度使及石敬瑭賂契丹陞西京改屬天城雁門道金建留守司尤置大同西京路遷徙無常名號不一自明洪武二十五年始為鎮朔衛永樂七年定鼎燕京以鎮朔移大同

左衛正統間又以雲川衛遠在邊外亦移歸左
先為兩衛後裁雲川并為一衛故名左雲
國朝因之於雍正三年九月奉

旨改縣名仍舊焉

疆域

舊治廣三十里袤七十里自改縣後歸併附近
城堡東至雲岡九十里以達大同南至吳家窰
六十里以達懷仁西至孫家河十里以朔平北
至邊牆三十餘里東南至磨石澗五十里西南

至董半川五十里東北至拒門九十里西北至
北陳窰四十里東距

京都八百四十里南距省會五百八十里西距府城
七十五里

山川

雲西當天下脊地形極高山宗恒獄川祖桑乾
其列在志之山若川亦恒桑之裔也

南龍王堂山 縣東南三十里

北龍王堂山 距縣城二十里山前有水泉天旱禱雨頗驗

四峯山 縣南六十里 四山並峙 突兀凌空 連吳冢 窰東山

孤山 縣西北二十里 挺然獨峙 俯矚泉流 故以孤名

大峪山 南通雁門等關 向議築城 未就 山在

縣東南六十里 兩山錦亘 數十里 林木森鬱 下

有溪澗 且大川一派 煤炭多產於此

寶鳳山 縣南數里

彌陀山 在馬助

馬頭山 縣北八十里 屬助馬堡 逶迤向東 狀

類馬首 兩耳渾肖 登眺其巔 邊外豐州 威甯海

松樹等山俱在月前樹木不生夏月常寒時餘積雪

黑龍王山 在甯魯堡西五里山峯高峻遠觀四野登巔見左雲城一如棋局烟火樓臺如臚列

羶帽山 在威魯

鳴遠山 一在助馬

鶯朶山 在高山

焦山 在高山城北上列神殿白衣觀音磚塔有洞口俗傳焦贊避兵其上

駱駝山

在雲西

李洪嶺

在雲西

泌嶺

偏嶺

鵲兜嶺

長城嶺

盤石嶺

燕子山

廖家河

源自馬家河出由南門外橋下向西

折北從武家園復向東逝抱城而流合渾水以
入桑乾亦邑之秀也

龍泉 在縣治西北孤山之陽左建龍神祠時

有小蛇出蓋龍也土人卜此以為雨候有鄉進士蕭漢碑文

西大河 屬高山

川 河 屬高山

肖畫河 在縣北三里發源於龍泉夏有積水

照天泉 屬雲西其流注東南一村村傍嶺下

更一巨泉 冬夏氣溫傳為溫泉村

雙碾兜河

酸茨河

馬家河

形勝

東接蜚狐南拱雁門西連兔水北近長城其在
先朝亦西北一要衝也兵甲之眾轉運之煩無
以逾於明代今
國家昇平既久文教覃敷沙漠萬里莫不來王
覽世故者能無感焉

古蹟

生今之世而欲求昔人精意所在舍古蹟其奚
考乎獨是世遠年湮無從采輯其先賢遺蹟名
士高風與寒烟衰草同歸消歇者不知其幾編
序及此不勝太息

石佛寺 在雲岡又名佛窰山傳自後魏拓拔
氏時始於神瑞終於正元凡七帝歷百十餘年
規制甚宏原寺十所一曰同升二曰靈光三曰
鎮國四曰護國五曰崇福六曰童子七曰能仁

八曰華嚴九曰天宮十曰兜率其中有元載所
造石佛二十龕石窰千孔佛象萬尊由隋唐歷
宋元樓閣層凌樹木蒼鬱儼然為一方勝槩今
非其舊祇令弔古者登臨興慨耳迤東數武有
石竇噴泉清冽可飲行道多藉焉題曰石窰寒
泉即八景之寒泉靈境康熙三十五年冬

聖駕幸寺

御書匾額莊嚴法相四字

蹄窟嶺 俗傳蹄哭訛也明妃何處不蹄哭蓋

因出塞道經此嶺其石上有馬蹄窟至今痕跡宛然
紅羊峪緊逼四峯山最稱險隘相傳宋楊將屯兵於此

張良洞 俗傳張子房遺跡

東古城 俗傳漢明妃處此

南古城 有劉武周行宮之蹟

雙化嶺 在縣治東九十里盤踞百有餘里嶺

西有古寺遺蹟俗傳有二僧共化於此故名明

王達善詩曰樺樹亭亭五潤隈兩僧遺蹟已成

灰夜深風響崖前葉疑是雙筇步月來

長城嶺 在縣東北三十里迤邐不絕上有禦
敵形蹟

八景

龍岩呈秀 在縣東南三十里即南龍王堂山
屏障疊翠秀色可餐

鷓峪迴風 在縣城南七十里壁立千仞上有

古剎名窠寺有羣鷓巢於崖峪之上盤旋迎風而舞

大鼎神榆 在城內玉虛宮又名鼎榆宮即五
帝廟根生鼎中旋斡盤空

寒泉靈境 在縣雲岡東九十里即石窟寒泉
有甕噴泉清冽可飲

馬頭積雪 在助馬路屬山如馬首形兩耳尤
肖每至盛夏積雪不消亦高寒之勝境也

文臺攬勝 文昌祠建於東岡之巔祠前砌以

平台高出城表每當春夏之交登臨遊攬山川

烟樹極目所至一覽無遺大有振衣千仞之致

南樓聽雨 俗傳每夜若有雨聲浙瀝如奏清

商至曉方止蓋夜靜風水吞擊之聲如聽雨然

北澗清遊 北門外龍王祠有清泉滋潤廣及
數畝每當六月初一日社首獻戲賽神邑中士
女踏青羣提榼載壺觀劇採青肩摩轂擊其下
清波碧草映帶滌洄如有蘭亭修禊之勝巡幸
國朝

聖祖仁皇帝康熙三十五年十一月二十日西征厄魯
特噶爾丹凱旋十二月初十日次左雲縣駐蹕
生員范澎宅十一日幸雲岡石

佛寺

御書莊嚴法相匾次日東行

吳家窰八景序

白羊城南六十里許有吳家窰衢通南北塞外
一大聚落也抱山濱河中多勝蹟擇其尤者題
曰八景經此地者應有同賞焉

南屏疊翠 鄉之南大山環抱峯形六折夏雨

初晴青翠^欲滴望之宛然畫屏

東澗跨虹 東岸百步外兩山夾澗跨石為梁

上有三聖祠每遇山濤洶湧瀑布出於梁下最為奇觀

西城旭照 白羊古用武之地 四郊多堡 鄉有
土城 在西山之巔 最為險峻 其內可容千人 惜
無水 然東方出日 先射城邊 聚陽氣而散災氣
非一鄉之保障乎

北寺晚鐘 東峯轉北有天主廟 焉高踞山頂
重殿迴廊 為雲中大觀 鐘吼黃昏 羣山皆應 覺
樓鐘晴聽響之句 未能寫出此况

曲谿春晚 沿谿十里之遙 兩岸多杏花楊柳
雨後曉行 望去烟樹園村小橋跨水 雖西湖之

蘇堤何以加焉

迴閣秋陰 東岡之上巍然而峙者元帝宮也
週圍有臺有洞四望飛閣凌空清陰滿地暑月
生涼可稱第一洞天

龍潭飛雨 鄉東三里許有黑龍堂洞內泉水
湧出下注深潭每逢亢旱虔禱即雨

鵬窩沍雲 東南一山在大河之側峭壁插雲
巖之腰懸薪若巢相傳神鵬宿處上建飛閣因
以鵬窩名寺峯轉而東有朝陽洞亦一勝境云

鄉村

村居野處便於務農如鷄犬桑麻比閭鱗集則
非所論於邊境矣曠土實多居民甚少即如左
雲按籍而登村疇直以百紀指戶而稽烟火僅
及千家是全邑村疇不敵腹裏之一鎮且鑿土
成窑曲木為牖相去之遼濶又不可不知也

正東

秀女村

北幸庄

楊千堡

東窑子頭

端午村

雙官兒屯

楊虎嶺

夏家河

紙方頭

燕子山

灰條澗

范家寺

南幸庄

水泉兜

石虎溝

陳家河

磨石澗

高駝村

舊高山

古城村

盧家堡

胡家屯

東紅崖

東南

馮家河

馬賓村

益圪塔

木代村

平寺村

閻家窑

張家墳

常流水

喬家村

史家溝

黑流水

潘家窑

鉄底村

房家溝

郭家坪

一堵墻

鵲兜嶺

郝家窑

東周窑

劉家墳

杏園兜

馮家窑

狼窩溝

石塲村

王家村

武家溝

牛洞溝

正南

南石山

朱家村

南周窑

杜家村

南劉窑

南梁窑

馮家堡

錢家堡

南陳堡

張祥村

南金庄

南高窑

高廟村

曹家堡

坦坡村

大堡村

馬道頭

莊家店

四十里庄

元坪村

全羊頭

水窑村

山井村

石岔溝

向陽寨

雨安庄

黃家店

吳家窑

李松村

羊園頭

四峯山

三家村

青楊林

西南

南八里庄

南六里庄

南十里瓦窑

張三窑

麻黃頭

屯軍庄

韋家堡

車碾子頭

南紅崖

段家溝

大屯溝

大西庄

李頂窑

西碾子頭

許官兜屯

張家小堡

泥河子

李石匠

東古城

董半川

柴家村

毛官兜屯

馬立寨

大金庄

王冒庄

小金庄

酸茨河

正西

姚家坡

朱家窑

西石山

趙火色

喬家窑

鵲免河

正北

三道河

白家窑

北六里庄

側楞坡

深溝子

后八里庄

黃家村

白烟墩

師家村

張家場

遠高村

段家村

十里瓦窑

葛家園

車家堡

前八里庄

北高窑

李胡子溝

大張窑

北陳窑

焦家窑

何家口

毛家莊窩

汗圪塔

花豹灘

黃家樑

東北

雙碾兒河 曹家窰 干溝子 王家窰 麻家窰

物產

竊聞土著之宜上之天府豈侈談方物亦以邊隅小
邑不堪任土作貢惟可資國利利民生者聊志之以
見風土所宜未經目遇者不敢概列以滋好奇之議

也 穀屬

穀 有早晚大小及紫黃之三種

蕎麥

莜麥

黍 有青白黃三種

葫麻

菽 有莞豆黑豆青豆扁豆大豆種莞豆者多

麻子

麥 有大小二種

菜屬

芥

芹

葱

蒜

茄

韭

菠菜

小蒜

白菜

甜苣

苦苣

蒿苣

蔓菁

蘿蔔
紅白二種

葫蘆

茗蓬

芡綫

玉蔓菁

瓜
菓

王瓜

菜瓜

郁李

杏

西瓜

櫻桃

花
屬

芍藥

金盞

葵花

山丹

罌粟

風仙

丁香

刺梅

鷄冠

扁竹草

粉團

百合

珍珠

十樣錦

蒲草

玉簪

百般嬌

七月菊

水紅花

出子蓮

金蓮花

菊花

紅姑娘

荷包花

藥屬

車前子

益母草

地骨皮

苦丁草

蒲公英

夏枯草

牛蒡子

史黃

甘草

黃芪

秦艽

荊芥

石屬

石炭

木屬

榆

栢

麻黃

瞿麥

地椒

知母

石灰

柳

杆

蒼朮

柴胡

黃芩

白土

楊

防風

地榆

葶藶

紅土

松

草屬

蘆

馬蘭

禽屬

鷄

鵲

鷓鴣

鴉

畫眉

艾

蒼草

鴿

烏

燕子

鸛

鴛鴦

蒿

雁

雅

石雞

白翎

鷺鷥

蓬

雀

鷹

沙鷄

布穀

從外路未住宿
三伏即去

從外路未住宿
三伏即去

獸屬

牛

犬

狼

獾

老鼠

蟲屬

蝨斯

螻蠹

羊

狐

馬

田鼠

促織

蚯蚓

驢

豕

狸

土貂

蝴蝶

蝸牛

驢

虎

兔

猫

蜻蜓

蜘蛛

蚊 蝠
蝠

蠅 蟻
螂

蛇 蚱
螞

蟻
蟻